

	Sier Hetor Loredan fo a la chamera d'imprestidi, qu. sier Nicolò, qu. sier Alvise procurator	132. 74
	Sier Francesco Soranzo fo Savio a Terra ferma, di sier Jacomo procurator	118. 91
†	Sier Marin Contarini è ai X Savii, qu. sier Bortholamio	134. 66
	Sier Alexandro Contarini fo proveditor sora i Conti, qu. sier Imperial	122. 78
24*	Sier Vincenzo Michiel fo governador di l'intrade, qu. sier Nicolò dottor cavalier procurator	103.104
†	Sier Andrea da Molin fo Cao del Conseio di X, qu. sier Marin	133. 72

Tre Provedadori sora i Banchi.

	Sier Zuan Batista Falier fo di Pregadi, qu. sier Thomà	110. 94
†	Sier Hironimo da chà da Pexaro fo Savio a Terra ferma, qu. sier Nicolò	143. 61
†	Sier Lunardo Venier fo di Pregadi, qu. sier Moixè	151. 57
	Sier Antonio Venier fo proveditor a le Biave, qu. sier Zuane	78.126
	Sier Alvise Bembo fo di Pregadi, qu. sier Lorenzo	101.104
	Sier Marin Morexini fo avogador di Comun, qu. sier Polo	111. 90
	Sier Vincenzo Michiel fo governador di l'intrade, qu. sier Nicolò dottor cavalier procurator	99.112
	Sier Marco Antonio Foscari fo proveditor a le Biave, di sier Andrea	117. 89
	Sier Piero Duodo fo di Pregadi, qu. sier Francesco	90.120
†	Sier Zuan Moro fo di la Zonta, qu. sier Lunardo	131. 73
non	Sier Alvise Sagredo fo patron a l'Arsenal, qu. sier Piero.	
non	Sier Sebastian Contarini el cavalier fo podestà a Vicenza, qu. sier Sebastian.	
non	Sier Zuan Batista Donado fo consier in Cipro, di sier Andrea.	
non	Sier Alexandro Contarini fo proveditor sora i Conti, qu. sier Imperial.	

In questo zorno lo illustrissimo signor duca de Milan, dapoi disnar, andò in barca con li soi et sier Gabriel Venier orator nostro, qual sempre li fa compagnia, a veder la Zuecha, et il sito di la terra fondata in queste acque maritime.

A dì 14, la matina. Non fo lettera alcuna. Vene l'orator del duca di Ferrara per dimandar quello era di novo per le lettere aute eri di Ale-magna, et li fo ditto.

Item, fono in materia di le biave con li Cai di X, perochè'l duca di Urbin capitano zeneral nostro ne dà tratta a Sinigaia di stera 6000 formenti, et val de li lire . . . il staro, però voleno mandar danari tolti di la Zecha ad imprestado, et comprar formenti, condurli qui, venderli, et restituirli li danari a la Zecha.

In questa matina il signor duca de Milan fo, con li soi e il Venier orator, in chiesa di San Marco. Vete prima la capella dove è l'archa dil cardinal Zen, poi a l'altar grandò, et era aperta la pala, udite messa piccola, et poi andò per terra per marzaria a Rialto con la mulleta drio, ma andò a piedi, ancora che la marzaria non fusse conzada; et andò a la lozeta a montar in le barche, et poi andò a disnar.

Dapoi disnar, fo Conseio di X con la Zonta et expediteno la commission di Zuan Dolfin rasonà, qual si manda a Sinigaia, dove è abundantia di formento, val lire . . . il staro, et se li dà ducati 5000 venetiani per comprar formenti, tutto a conto di la Signoria, perochè'l duca di Urbin capitano zeneral nostro ne dà la tratta, e al Guasto è assà formenti, con questo, tutto compri per la Signoria sotto gran pene: e li danari si tuò da la Zecha in prestado, con questo, il danno sia di la Signoria et l'utile di la Zecha.

Item, feno 3 sopra le munege, in execution di 25 la parte presa a di . . . di . . . , zoè balotati tutti entrino nel Conseio di X. Et cussì rimaseno questi: sier Jacomo Soranzo procurator, sier Agustin da Mula el Consier, sier Polo Nani fo Cao di X, qu. sier Jacomo. Sotto sier Hironimo Barbarigo fo Consier, che non volea esser.

Et prima nel Conseio semplice, con il Collegio, expediteno li oratori di Verona, *videlicet* che in li casi atroci la Signoria possi cometter a li rectori etc., et che zerca quelli di dacia sia commessa alla Consolaria.

Item, con la Zonta deteno licentia a sier Nicolò Trivixan et sier Zacaria Barbaro, stati proveditori sora le biave per far la description, che dovesseno